

სახელმწიფო შესყიდვის ხელშეკრულება № 13

ქ. ქუთაისი

16 თებერვალი 2015 წელი

არასამეწარმეო (არაკომერციული) იურიდიული პირი - ქალაქ ქუთაისის ბოტანიკური ბაღი” შემდგომში „შემსყიდველად“ წოდებული, მისი დირექტორის ამირან ხვადაგიანის სახით, ერთის მხრივ, მოქმედი ბაღის წესდებისა და „სახელმწიფო შესყიდვების შესახებ“ კანონის საფუძველზე და შპს „ხომლი ენ“ მისი დირექტორის ელგუჯა თავბერიძის სახით შემდგომში „მიმწოდებლად“ წოდებული, მეორეს მხრივ, ურთიერთშეთანხმების საფუძველზე ვდებთ ამ ხელშეკრულებას შემდეგზე:

1. ხელშეკრულების ობიექტი და კლასიფიკატორის კოდი

- 1.1 ქუთაისის ბოტანიკური ბაღის ფერადი ბუკლეტის ბეჭდვა (24 გვ. A5, 4*4 , ფერადი გარეკანი 4*4) - ტირჟი 500ც
- 1.2 კლასიფიკატორის დანაყოფის კოდი 79800000 – ბეჭდვა და მასთან დაკავშირებული მომსახურებები

2. ხელშეკრულების პირობები

- 2.1. „შემსყიდველი“ ახორციელებს ამ ხელშეკრულების 1-ლი მუხლით განსაზღვრული მომსახურების სახელმწიფო შესყიდვას „მიმწოდებლისაგან“ გამარტივებული შესყიდვის წესით, 2015 წლის ადგილობრივი ბიუჯეტის ასიგნებების ხარჯზე და ამ ხელშეკრულებით გათვალისწინებული პირობებით.
- 2.2. შესყიდული მომსახურების ტექნიკური და ხარისხობრივი მახასიათებლები უნდა შეესაბამებოდეს საქართველოში მოქმედი სტანდარტების ნორმებს.
- 2.3. მომსახურების გაწევა განხორციელდება 2015 წლის 23 თებერვლამდე.
- 2.4. მომსახურების მიწოდება განხორციელდება მიმწოდებლის ადგილსამყოფელზე.
- 2.5. მიმწოდებელი თვითონ უზრუნველყოფს მომსახურების გაწევას ყველა საჭირო მასალით.
- 2.6. ხელშეკრულების ღირებულებაა 1574 (ათასხუთასსამოცდაათხმეტი) ლარი, რაც მოიცავს მომსახურების ღირებულებას, ყოველგვარ ხარჯებს და გადასახადებს დღგ-ის ჩათვლით.

3. მხარეთა უფლება-მოვალეობები

- 3.1. „მიმწოდებელი“ ვალდებულია, უზრუნველყოს „შემსყიდველისათვის“ ამ ხელშეკრულების 1-ლი მუხლით განსაზღვრული მომსახურების მიწოდება ამავე ხელშეკრულების 2.3 მუხლით განსაზღვრულ ვადაში.
- 3.2. „შემსყიდველი“ უფლებამოსილია აწარმოოს გამოყენებული მასალების ხარისხის შემოწმება მიწოდების ნებისმიერ ეტაპზე. თუ შემოწმებისას გამოვლინდა ნაკლი ან/და წუნი, „შემსყიდველი“ აფორმებს წერილობითი აქტის სახით, რომელშიც მიეთითება წუნის დასახელება, რაოდენობა და წუნდების მიზეზი. აქტი დაუყოვნებლივ გადაეცემა „მიმწოდებელს“.
- 3.3. მომსახურების შემოწმებას ახორციელებს „შემსყიდველი“ თუ შემოწმების პროცესში „შემსყიდველს“ და „მიმწოდებელს“ შორის წარმოიშობა უთანხმოება, საკითხი განიხილება „შემსყიდველისა“ და „მიმწოდებლის“ დირექტორების მიერ, ხოლო საკითხის ამ გზით მოუგვარებლობის შემთხვევაში - ქუთაისის საქალაქო სასამართლოს მიერ.
- 3.4. „მიმწოდებელი“ ვალდებულია, საკუთარი ხარჯებით უზრუნველყოს მიწოდებული მომსახურების შემოწმების შედეგად გამოვლენილი ყოველგვარი წუნის ან/და დანაკლისის დაუყოვნებლივ აღმოფხვრა.
- 3.5. მომსახურების მიწოდება დასტურდება მიღება-ჩაბარების აქტით, რომელიც ფორმდება მისი საბოლოო შემოწმების შემდეგ და, რომელსაც შემსყიდველის მხრიდან ხელს აწერს სამეურნეო და ინფრასტრუქტურული განვითარების მენეჯერი გელა მშენიერაძე.

- 3.6. „შემსყიდველი“ ვალდებულია, გადაუხადოს „მიმწოდებელს“ გაწეული მომსახურების ღირებულება მიღება-ჩაბარების აქტის გაფორმებიდან თხუთმეტი სამუშაო დღის ვადაში.
- 3.7 ანგარიშსწორება განხორციელდება ლარებით, საბანკო გადარიცხვით (უნაღდო ანგარიშსწორებით).

4. დასკვნითი დებულებები

- 4.1. ამ ხელშეკრულების პირობების შეცვლა ხელშეკრულების მოქმედების პერიოდში დასაშვებია მხოლოდ მხარეთა ურთიერთშეთანხმებით.
- 4.2 მომსახურების დაგვიანებით მიწოდების შემთხვევაში შემსყიდველი გადასახდელი თანხიდან უკავებს მიმწოდებელს პირგასამტეხლოს ხელშეკრულების ღირებულების 0,2 პროცენტის ოდენობით მიწოდების ვადაგადაცილების ყოველ დღეზე. თუ ასეთ პირგასამტეხლოთა ჯამური თანხა გადააჭარბებს 51 ლარს, შემსყიდველი უფლებამოსილია, მოშალოს ხელშეკრულება და არ აუნაზღაუროს მიმწოდებელს მანამდე გაწეული მომსახურების ღირებულება.
- 4.3 მომსახურების ღირებულების გადახდის ამ ხელშეკრულების 3.6 მუხლით განსაზღვრული ვადის დარღვევის შემთხვევაში „შემსყიდველი“ უხდის „მიმწოდებელს“ პირგასამტეხლოს დროულად გადაუხდელი თანხის 0,2 %-ის ოდენობით გადახდის დაგვიანების ყოველ დღეზე.
- 4.4 მხარეები კისრულობენ პასუხისმგებლობას ამ ხელშეკრულებებით ნაკისრი ვალდებულებების შეუსრულებლობაზე ან არასათანადოდ შესრულებაზე, გარდა ფორს-მაჟორული სიტუაციებით გამოწვეული შემთხვევებისა. სიტუაციის ფორს-მაჟორულობა ფასდება მხარეთა მიერ ერთობლივად, შეთანხმების მიუღწევლობის შემთხვევაში - სასამართლოს მიერ.
- 4.5 ხელშეკრულება შედგენილია ქართულ ენაზე ორ პირად, რომელთაგან ერთი ინახება „მიმწოდებელთან“ და მეორე - „შემსყიდველთან“. ხელშეკრულების ორივე პირი თანაბარი იურიდიული ძალისაა.
- 4.6 ხელშეკრულება ძალაში შედის 2015 წლის 16 თებერვალს და ძალაშია საბოლოო ანგარიშსწორების დღემდე - არაუგვიანეს 2015 წლის 7 მარტისა,

5. მხარეთა რეკვიზიტები და ხელმოწერები

„შემსყიდველი“

„მიმწოდებელი“

არასამეწარმეო, (არაკომერციული) იურიდიული პირი
„ქალაქ ქუთაისის ბოტანიკური ბაღი“

შპს „ზომლი ენ“

გადასახადების გადამხდელის საიდენტიფიკაციო
ნომერი 412688426

გადასახადების გადამხდელის საიდენტიფიკაციო
ნომერი - 212899434

ქუთაისი, ლესელიძის ქუჩა N 2.

ქუთაისი, ჭავჭავაძის ქუჩა №33

ტელ. (0431) 24 50 79, 593 30 49 27

ტელ: 599149515

საბანკო ანგარიში:

საბანკო ანგარიში

მიმღების ბანკი- სახელმწიფო ხაზინა
მიმღების დასახელება - ხაზინის ერთიანი ანგარიში
ბანკის კოდი - TRESGE22
მიმღების ანგარიში/სახაზინო კოდი - 7 4293 7519

№ GE17LB0113197429270000


ს.ს. „ლიბერთი ბანკი“
კოდი LBRTGE22

დირექტორი:



ამირან ხვადაგიანი

დირექტორი



ელგუჯა თავბერიძე